

黃店謀Pepe蛙利益 屈正品店抄襲

煽搞破壞被踢爆仍死撐 同路人無視侵權續支持



「特稿」 嗰呢半年暴力示威現場時常現身甚至被視為「卡通形象」之一嘅Pepe the Frog，畀好多「黃店」謀咗好大利益。為咗爭食呢塊人血饅頭，佢哋嘅食相十分難睇。早前靠販賣Pepe「發大財」、經常話自己支援抗爭嘅樂文具公司，就係網上死咬本月開張嘅首間Pepe期間限定店產品係「抄襲」、「目標係吸血」，稱自己嘅產品先有香港代理授權，又引述網媒報道話問店「有中資背景」，搞到同路人要罷買甚至「裝修」。有搵暴嘅「獨立記者」查證件事，發現嗰間限定店先係香港獨家代理，但樂文推三阻四唔肯認錯，最後係記者威脅如果佢唔認錯就會再爆料的情況下先跪低。不過，個記者都係明踩實幫呢間佢「有兄弟識」嘅樂文，大張旗鼓找尋到「真相」後竟然唔係叫人支持正版，而係兩邊都要支持，真係一齣大戲換來名利雙收呢。

香港文匯報記者 文根茂

漫畫家Matt Furie創作嘅Pepe，係香港大街小巷都好容易見到，好多「黃絲」當佢係「抗爭符號」，於是就有眾多「黃店」想爭食呢個人血饅頭，販賣其周邊產品。

屈正品店「中資背景」遭調查

今個月中環出現全港首間期間限定Pepe the Frog Store，販賣Pepe周邊產品，引來滿城風雨。有媒體聲稱一間有內地背景的企業Momo Entertainment正為Pepe青蛙頭像申請註冊商標，涉及的頭像圖案，出現在中環限定店內的商品上，因此懷疑間舖有「中資背景」。

同樣販賣Pepe周邊產品嘅樂文具公司就引述呢篇報道，仲聲稱網民可以就Pepe版權問題向海關查詢，即係叫人報申，又稱自己

販賣嘅產品係「香港代理授權」，更直指中環間店食「人血饅頭」、「目標就是吸血」，產品都係「抄襲」。「黃絲」神經很快被觸動，開始造謠話問公司係內地企業運營，有問係深圳嘅公司，各個都話要「罷買」、甚至「裝修」，亦真係有黑衣人開始間舖附近騷擾顧客。

但一直搵暴、聲稱係「獨立記者」嘅「白影」日前就帶同律師查證件事，在翻查公司註冊文件後證實問公司確係香港註冊，且佢哋先係買下Pepe香港獨家代理權嘅公司。原來侵權個係樂文具公司至真囉！

「黃絲」瘋傳嘅深圳間屬於佢哋嘅公司，都係捕風捉影的謠言。根據「白影」嘅調查，至於內地背景企業申請註冊商標，則係由真正的版權持有人或其帶包申請，根據香

港法例，呢間中環間公司只係Sub license，無法由佢哋申請。

遭「手足」通牒終跪低道歉

面對自己手足查出嘅「真相」，樂文具公司都係五次三番推卸責任，先係話「很多網民都有轉發」、「自己並非唯一有轉帖嘅人」，之後又開post鬧返嗰質疑者：「放回焦點去件事啦！好心提！重(仲)玩抹黑，說好的不割不化？」更企圖捐出100個帆布袋收益等息事寧人。

不過，已經高調宣揚調查「真相」嘅「白影」唔會就此罷休，佢就post話自己都以「手足身份」教訓你地(哋)應該點做，甚至教埋應該點答我作為記者時的提問，又無奈指「唔係因為我有兄弟識你地(哋)，我先唔會咁做」。最終就威脅稱「以手足身份比(畀)你地(哋)既(嘅)最後通牒！收回言論，認自己咁做，你入左(咗)既(嘅)大量貨，唔止會無人買，我擔心你地(哋)被裝修。」

如果睇到呢度覺得呢位記者係想支持公義保護正版你就太天真。收到呢個「通牒」後，樂文具公司即刻發道歉信，而「白影」都態度180度大轉變，話叫「大家收貨」、「已造成的傷害是無法完全修復的了」、「賺錢係天經地義既(嘅)事，仲要大大力去賺」，無視「手足」侵權，話「咁兩邊我都會買隻」。最終，不單止自己因為「追求真相公道」而出名，自己兄弟既舖都唔會因為抹黑同行而受到懲罰，呢招真係好高。



Pepe蛙在示威現場時常現身。眾多「黃店」為謀利益爭相大食人血饅頭。資料圖片



樂文具最終跪低道歉。



「白影」態度180度大轉變，無視「手足」侵權。

阮民安被指呃錢 「黃絲」割席聲討

香港文匯報訊(記者 文根茂、杜思文) 一個醜聞纏身令人避之不及的藝人阮民安(Tommy)，近月憑藉高調的「黃色」言論及同「港獨」分子、「香港眾志」周庭、民主黨立法會議員鄺俊宇合作的「抽水」之歌《煲底之約》而被奉為「黃絲男神」，被「黃媒」壹傳媒捧得高高，更報到他眾籌演唱會的新聞。當時，阮民安聲稱會在9月30日之前公佈演出場地同日期，更一再聲稱「萬一book唔到場，100%會即時退票。」不過，直到上週他才在網民的狙擊下公佈於明年開騷，但究竟眾籌到多少錢則至今未有交代。「核爆都不割的」黃絲發現這位「男神」周身屎立即割席，不僅大批「黃絲」懷疑被「呃錢錢」，就連壹傳媒昨日都不斷追蹤其負面報道，聲稱「債主陸續出現」。

阮民安在近來數月，一直被所謂「政治打壓」無法找到場地為由推遲演出安排，直到12月20日他才不得不公佈將於明年1月18日開騷。不過，雖然演出時間已定下，他更聲稱要在騷同場搞「黃色市集」，要求各檔主自由將部分生意額捐出幫「手足」，但他至今都未公佈自己的眾籌總額，亦未交代多餘的捐款如何處理。但在開始眾籌時他就埋下一個耐人尋味的伏筆，聲稱會到場刊和鳴謝字幕中列出所有贊助人名或商戶名稱，不過就會因所謂「私隱問題」，不公開透露贊助金額。

至今未公佈眾籌款項

可能是見到事有蹊蹺，早前一直力捧阮民安的壹傳媒都立即割席，先後

報導阮民安「黃絲」前女友痛訴代他預備50萬險自殺、物件被偷的訪問，昨日又繼續狙擊，特意標出「債主陸續出現」，不斷更新網友對其的質疑和回應。

網民：「黃絲」一樣有賤人

網民「好天真好傻」就質疑：「佢個網本身有叫人贊助佢開演唱會，而(哋)家delete咗呢個item，係咪代表唔會公開自己之前收咗幾多錢贊助，然後自己吞咗佢？」「枱底膠液」直言：「好可怕，都唔知佢哋咗我哋咗錢去邊，仲有好多手足捐左皮野(嘢)俾(畀)佢，又話開演唱會過咗數咁耐都唔見佢開，2020都嚟啦！」

「人癡」直言：「黃絲又點，無可否認，都一樣有賤人，德不配位，況且仲係好大機會食人血饅頭嘅人。」同為「黃絲」的「初代網紅」邵子風近日亦一直在facebook狙擊阮民安稱，「叫你一句『手足』就真係『手足』？撻老千嘅人，你地(哋)對住住每一個被佢害過受害者！」

根據蘋果娛樂即時新聞報道，有網民在Tommy的fb留言，也有同時時代化妝師追4千元欠債，Tommy回覆會立即跟進，有消息稱他還提出想用演唱會飛抵消欠債。



有網民直言被阮民安呃錢。



壹傳媒揭阮民安惡行。

快必超速反鬧警 網民：知醜字點寫？



泛暴派可能真係以為地球圍晒佢轉。剛剛區議會選舉競選失敗嘅「人民力量」快必譚志日前開車超速被影快相，於是嘍facebook「發癲」，佢質疑「××××差佬，車速50我行52，你影我快相？」又造謠警察「唔拉」打劫金行、周街斬人，「捉我超速？」以說明佢「冤屈」，最終得出「解散警隊、刻不容緩、推翻暴政、撥亂反正」嘅結論。佢嘅高見獲得諸多反響，但幾乎都係鬧爆佢，有網民質問佢：「偷2蚊就唔係偷竊？」有人更揶揄：「知唔知醜字點寫？」有網民則一語道破：「你緊(梗)係想快d(啲)解散警隊，因為你可以無法無天。」

遭網民逾兩千回應鬧爆

譚志日前嘍facebook發帖宣揚佢嘍大埔超速駕駛一事，同埋分享咗自己從速有影快相一事獲得嘅心得。佢好好有條理咁講咗三點：「1.××××差佬，車速50我行52，你影我快相？等錢出OT呀××××！2.打劫金行、周街斬人你唔拉，捉我超速？等錢出OT呀××××！3.解散警隊、刻不容緩、推翻暴政、撥亂反正。」

佢講得咁「擲地有聲」，想必係十分篤定網民會企係佢嗰邊鬧警察唔應該執法，不過佢就事與願違。佢篇帖文收到遠超於一般嘍夠嘍嘍回應數，有差唔多2,500條回應，不過大部分都係鬧佢。

「Ka Cheung」質問：「自己超速仲好意思post出黎(嚟)……知唔知醜字點寫？」「Alice Chu」分享道：「我唔係黃，我行52都一樣比人炒嘍，好公平。你覺得係針對你？」「May Shun」就驚嘆：「你嘍尾(美)國返嚟定係原人，唔知香港規矩。」「Chan King」直言：「事實係超速，你緊(梗)係想快d(啲)解散警隊，因為你可以無法無天。」「Thomas Ip」就強調：「香港法治！超速就俾(畀)錢。」

「Chiba Suzuki」則照佢嘍帖文格式回覆咗幾點「1.車速50你行52，超1km你都係犯法。同一道理，偷2蚊就唔係偷竊？2.打劫金行、周街斬人、同埋衝差差差差差差差差差差，但你超速一樣係犯法，同班十惡不赦嘍衝差一樣都係罪犯，唔好偷換概念講到自己無犯法一樣。結論：條友真係唔識嘍。」

香港文匯報記者 文根茂

劇照藏仇警字眼 ViuTV發聲明道歉

香港文匯報訊(記者 鍾立)自修例風波開始以來，煽暴派不停抹黑對暴力行為嚴正執法的警察，有電視節目也懷疑公然散播仇警訊息。由王貽興與劉翁編劇兼導演的ViuTV全新劇集《黑市》前晚首播，在率先播出的單元「碟仙」中，其劇照上以文字砌出碟仙圖案的黑板上，竟隱藏「黑警死全家」、「光復香港」與「時代革命」等字眼。ViuTV在出事後隨即發聲明稱，單元劇照原圖由外判第三方劇組提供，並在發現劇照出現不恰當字句時，已即時將有關訊息刪除，同時已向提供劇照的單位保留追究權利。有網民留言質疑ViuTV推卸責任，表明要杯葛該台，有人則向通訊事務管理局投訴。

不少煽暴派網民「黑心」力撐ViuTV。「Shiki Yoshi」聲稱：「黑警係好應該要死全家，完全冇問題。」「Wah Fai Leung」亦毫無人性地稱：「黑警死全家，正面嚟講係你班黑警家人上下一心好團結，到死都齊齊去，係咪好有禮貌愛心呢！」

網民明言杯葛 向通訊局投訴

不過，更多的網民留言批評ViuTV。「Alfred Wong HK」直言：「依啲唔係創作，黑心黑自己的，希望作者的家人安好齊全啦！天理循環！」「Fanny Tang」則認為，今次事件只會加深社會矛盾。「Connie Kok」則道：「請不要強加政治加入平民百姓的娛樂內。」有網民更明言「一定要杯葛ViuTV」，表示會向通訊事務管理局投訴並要求局方予以懲處。

不過，有網民就認為整件事是有人故意炒作，企圖谷高該劇的收視率。

「Kwong Leung」說：「正路點會聯到，分明有心人，寫落去後，再自我踢爆！」「Michael Fung」講得更白：「呢個劇集，係一集播出就出現咁爭議性嘅話語？係有人刻意放消息，令劇集推高收視還是刻意借劇集，而散播仇恨，香港人都要冷靜分析？」

ViuTV在事件爆出後發表聲明稱，作為公眾媒體會保持平台中立性，並不容許個別人利用平台發表個人言論。劇集

《黑市》中「碟仙」單元劇照原圖由外判第三方劇組提供，當發現劇照出現不恰當字句時，已即時將有關訊息刪除，並對事件深感抱歉，及會向提供劇照的單位保留追究權利。

王貽興與劉翁亦分別在facebook上發帖說：「有關劇集《黑市》其中單元『碟仙』劇照為本公司製作及提供，當中出現的不恰當字句，引起公眾爭議，本公司深表遺憾。」



有網民留意到ViuTV新劇劇照竟隱藏「黑警死全家」、「光復香港」與「時代革命」等字眼。網絡圖片